

Fyrir aðra, þriðju og fjórðu meðferð skal greiða kr. 60 000 fyrir hverja meðferð.

Fyrir meðferðir umfram fjórar skal greiða fullan kostnað, kr. 200 000.

Greiðslurnar skulu skiptast þannig að í upphafi hverrar meðferðar sé greitt 20% af heildargjaldi. Eftirstöðvar gjalds skal greiða þegar ákveðið hefur verið að framkvæma eggeimtu.

Fyrir aðrar rannsóknir á glasafrjövgunardeild sem ekki tengjast glasafrjövgunarmedferð skal greiða eins og um göngudeildarheimsókn og rannsóknir væri að ræða, sbr. 6. gr.

Greiðsla sjúkratryggðra á kostnaði við sjúkraflutninga.

10. gr.

Hámarksfjárhæð sem sjúklingur skal greiða fyrir sjúkraflutninga á sjúkrahús og frá sjúkrahúsi skv. i-lið 1. málsg. 43. gr., laga nr. 67/1971 um almannatryggingar, sbr. breytingu á þeim lögum nr. 87/1989 er kr. 2 400.

Greiðsla vegna krabbameinsleitar á heilsugæslustöðvum og hjá heimilislæknum.

11. gr.

Vegna krabbameinsleitar á heilsugæslustöðvum og hjá heimilislæknum (legstrok og mynd af brjóstum) skal greiða kr. 1 500 fyrir hverja komu. Lífeyrisþegar greiða þó kr. 500. Gjald þetta rennur til Krabbameinsfélags Íslands vegna úrlesturs frumusýna, röntgenmynda og leitarstarfsins. Félagið greiðir læknum í samræmi við gjaldskrá Læknafélags Reykjavíkur um hópskoðanir vegna krabbameinsleitar.

12. gr.

Tryggingastofnun ríkisins skal kynna almenningi efni þessarar reglugerðar rækilega.

13. gr.

Reglugerð þessi, sem sett er með heimild í 43. gr. laga nr. 67/1971 um almannatryggingar með síðari breytingum og 20. gr. laga nr. 97/1990 um heilbrigðisþjónustu með síðari breytingum öðlast gildi 25. janúar 1993. Frá sama tíma fellur úr gildi reglugerð nr. 194/1992 um hlutdeild sjúkratryggðra í heilbrigðisþjónustu. 8. gr. reglugerðarinnar öðlast þó ekki gildi fyrr en 1. mars 1993. Fram að þeim tíma skulu handhafar afsláttarskírteina skv. 7. gr. fá heilbrigðisþjónustu án endurgjalds.

Heilbrigðis- og tryggingamálaráðuneytið, 12. janúar 1993.

Sighvatur Björgvinsson.

Páll Sigurðsson.

REGLUGERÐ

um Unglingaheimili ríkisins.

1. gr.

Unglingaheimili ríkisins er stofnun þar sem yfirvöldum ber að aðstoða unglunga á aldrinum 12–15 ára (að báðum aldursflokkum meðtöldum) um lengri eða skemmri tíma, gerist þess þörf vegna hegðunarvandamála unglinganna, vegna alvarlegs skorts á eðlilegum

aðbúnaði, umönnun og uppeldi unglínganna af hálfu forsjáradíla þeirra, eða vegna alvarlegrar röskunar á högum unglínganna.

Aðstoðin er fólgin í:

- a) Skammtímavistun meðan fram fara nauðsynlegar aðgerðir á grundvelli barnaverndarlaga eða þegar mjög er áfátt eðlilegum aðbúnaði og aðhaldi.
- b) Vistun meðan rannsókn á unglíngum fer fram, greining á vandamálum þeirra og ráðstafanir gerðar til úrbóta.
- c) Vistun til langtímameðferðar og enduruppeldis.
- d) Ráðgjöf, meðferð og önnur fagleg aðstoð án vistunar.

Heimilt er að víkja frá þeim aldursmörkum, sem hér er miðað við ef ástæða þykir til.

2. gr.

Unglingaheimili ríkisins hefur aðsetur á höfuðborgarsvæðinu, en þjónar landinu öllu. Stjórnarnefnd Unglingaheimilis ríkisins getur ákveðið að ákveðnar deildir þess skuli starfræktar utan höfuðborgarsvæðisins.

Unglingaheimilið skal veita unglíngum viðeigandi aðbúnað. Rannsaka skal og greina vanda þeirra, veita meðferð, fræðslu, félagslega aðstoð og læknishjálp eftir því sem við á.

3. gr.

Félagsmálaráðherra skipar 3 menn í stjórnarnefnd Unglingaheimilis ríkisins til 4 ára í senn og þrjá til vara. Skal einn þeirra tilnefndur af félagsmálaráði Reykjavíkur en félagsmálaráðherra skipar tvo án tilnefningar og skal annar vera formaður. Stjórnarnefnd skiptir með sér verkum að öðru leyti.

Stjórnarnefnd unglíngheimilisins fer með faglega og skipulagslega stjórn Unglingaheimilis ríkisins svo og yfirstjórn annarra unglíngheimila sem ríkið rekur eða styrkir, nema ráðherra ákveði annað.

Stjórnarnefnd skal að jafnaði koma saman tvisvar í mánuði. Forstjóri Unglingaheimilis ríkisins situr fundi stjórnarnefndar með málfrelsi og tillögurétt. Á sama hátt hefur rétt til setu einn fulltrúi starfsmanna. Gerðir stjórnar nefndarfunda skulu færðar til bókar.

Stjórnarnefnd sendir ráðuneytinu árlega skýrslu um störf Unglingaheimilis ríkisins.

4. gr.

Félagsmálaráðherra skipar forstjóra Unglingaheimilis ríkisins að fengnum tillögum stjórnarnefndar. Forstjóri skal hafa lokið háskólaprófi í einhverri þeirra greina sem tengjast starfinu sem ætlast er til að fari fram á unglíngheimilinu. Hann skal að jafnaði hafa reynslu og/eða menntun í stjórnunarstörfum. Forstjóri fer með faglega og fjárhagslega stjórn unglíngheimilisins í umboði stjórnarnefndar. Ráðherra setur forstjóra erindisbréf.

5. gr.

Félagsmálaráðherra ræður deildarstjóra Unglingaheimilis ríkisins að fengnum tillögum stjórnarnefndar. Þeir skulu hafa sérmenntun í uppeldisfræði, sálarfræði, félagsráðgjöf eða aðra sambærilega menntun. Deildarstjórar hafa yfirumsjón með faglegu starfi innan sinnar deildar, jafnframt því að starfa að uppeldisverkefnum innan deildarinnar. Stjórnarnefnd setur þeim erindisbréf.

Félagsmálaráðherra ræður ráðgefandi geðlækna, sálfræðinga, félagsráðgjafa og aðra sérfræðinga að fengnum tillögum stjórnarnefndar, og annað starfsfólk að fengnum tillögum forstjóra eftir því sem fjárveitingar leyfa.

6. gr.

Stefnt skal að því að innan Unglingaheimilis ríkisins starfi eftirfarandi deildir:

1. **Meðferðar- og ráðgjafadeild – Unglingaráðgjöf:**

Hlutverk hennar er:

- a) Skipulagning faglegs starfs einstakra deilda unglingaheimilisins í samráði við viðkomandi deildarstjóra.
- b) Leiðbeiningar og fagleg ráðgjöf til starfsmanna unglingaheimilisins.
- c) Sálfræðileg og félagsleg rannsókn við upphaf vistunar.
- d) Meðferð og ráðgjöf til unglunga, forsjáraðila og annarra aðstandenda.
- e) Almenn ráðgjöf til sveitarstjórna um málefni unglunga.

2. **Móttökudeild:**

- a) *Skammtímadeild* er opin til móttöku allan sólarhringinn. Skammtímadeild tekur til vistunar unglunga sem eru í þannig ástandi og aðstæðum að slíkrar vistunar er þörf, að mati barnaverndaryfirvalda, löggæslu eða starfsmanna unglingaheimilisins.

Hlutaðeigandi barnaverndarnefnd svo og forsjáraðilum skal svo fljótt sem auðið er gert viðvart um komu unglings á deildina, ástand hans og aðstæður, hafi þau ekki átt hlut að máli frá upphafi. Fullt samráð skal hafa við barnaverndarnefnd og starfsmenn hennar um frekari aðgerðir.

Unglinga má því aðeins vista á deildinni lengur en 24 klst., að fyrir liggja ákvörðun barnaverndaryfirvalda. Hámarksvistunartími er 2 vikur.

- b) *Rannsóknardeild*: Deildin vistar unglunga til rannsóknar og til greiningar. Svo fljótt sem auðið er skulu liggja fyrir tillögum um áframhaldandi úrræði og faglega aðstoð.

3. **Uppeldis- og meðferðardeildir:**

Deildirnar taka við unglungum í langvarandi uppeldi og meðferð.

Unglingar skulu ekki teknir inn á uppeldis- og meðferðardeildir nema að lokinni gagngerri sálfræðilegri, uppeldislegri, læknisfræðilegri og félagslegri rannsókn og greiningu. Áætlun skal gerð um uppeldi, meðferð, aðstoð og aðrar ráðstafanir. Þá áætlun skal endurmeta með reglulegu millibili.

4. **Deild fyrir vímuefnaneytendur:**

Deildin er langtíma uppeldis- og meðferðardeild fyrir unga vímuefnaneytendur. Hún starfar í samvinnu við þær stofnanir heilbrigðiskerfisins sem sinna neyðarþjónustu fyrir vímuefnaneytendur.

Þeir unglingar sem vistaðir eru á Unglingaheimili ríkisins skulu eiga aðgang að skóla sem fyrst og fremst er ætlað að annast kennslu skjólstaðinga Unglingaheimilis ríkisins. Félagsmálaráðuneytið setur vinnureglur um tengsl Unglingaheimilis ríkisins og þess skóla sem þjónar heimilinu. Vinnureglur þessar skulu settar að höfðu samráði við menntamálaráðuneytið og Unglingaheimili ríkisins og skulu endurskoðaðar árlega.

Stjórnarnefnd ákveður hámarksfjölda unglunga á deildum stofnunarinnar að fengnum tillögum forstjóra.

Unglingaheimilinu er heimilt að vista unglunga á einkaheimilum um takmarkaðan tíma og skal vistun vera á ábyrgð og undir umsjón unglingaheimilisins.

7. gr.

Forsjáraðilar unglunga og þeir, sem af hálfu hins opinbera fjalla um mál unglunga, geta óskað vistunar fyrir þá, enda liggja fyrir samþykki hlutaðeigandi barnaverndarnefndar og skrifleg beiðni um vistun. Forstjóri getur ákveðið að úrskurður barnaverndarnefndar sé skilyrði vistunar, telji hann þess þörf.

8. gr.

Vistun unglings lýkur þegar forstjóri og/eða barnaverndarnefnd ákveður að vistunar er ekki lengur þörf. Skal gerð skýrsla um dvöl unglingsins, svo og leiðbeiningar um framhalds- aðstoð, ef æskileg er talin. Skal hún send hlutaðeigandi barnaverndarnefnd.

9. gr.

Rekstrarkostnaður Unglingaheimilis ríkisins greiðist úr ríkissjóði.

10. gr.

Forstjóri Unglingaheimilis ríkisins skipuleggur, í samráði við deildarstjóra, fræðslu og samskiptanámskeið fyrir starfsfólk eigi sjaldnar en einu sinni á ári hverju.

11. gr.

Reglugerð þessi er sett á grundvelli laga nr. 58/1992 um vernd barna og ungmenna og öðlast þegar gildi. Jafnframt fellur úr gildi reglugerð nr. 467/1989 um Unglingaheimili ríkisins.

Félagsmálaráðuneytið, 5. janúar 1993.

Jóhanna Sigurðardóttir.

Pórhildur Líndal.

SKIPULAGSSKRÁ

fyrir sjálfseignarstofnun Dvalarheimilis aldraðra heyrnarlausra.

1. gr.

Félag heyrnarlausra og Kirkja heyrnarlausra stofna hér með sjálfseignarstofnun sem ber nafnið Dvalarheimili aldraðra heyrnarlausra. Heimili og varnarþing stofnunarinnar er í Reykjavík.

2. gr.

Stofnfé er kr. 420 000, –fjögur hundruð og tuttugu þúsund– og skiptist það þannig að Félag heyrnarlausra leggur fram kr. 270 000 og Kirkja heyrnarlausra kr. 150 000. Stofnfé má ekki skerða.

3. gr.

Eignir stofnunarinnar eru, ásamt stofnfé, þau framlög í reiðufé og öðrum verðmætum, sem berast og safnað verður til umönnunar aldraðra á Dvalarheimili aldraðra heyrnarlausra. Skuldir eru engar. Stofnendur bera engar fjárhagslegar skuldbindingar vegna sjálfseignarstofnunarinnar.

4. gr.

Tilgangur stofnunarinnar er að veita öldruðum heyrnarlausum heimilisvist og aðhlynningu á dvalarheimili, svo sem mögulegt er.

Í þessu skyni veitir stofnunin viðtöku gjöfum og hvers konar styrktarfé.